



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XI. Gregorii Papae I. Ad Evsebivm, Vrbicivm, &c. De lege
imperatoris: & quod ex militari habitu nullus nisi ante triennium probatus
suscipiendus sit.

urn:nbn:de:hbz:466:1-15221

posita, filiam gloriosæ memoriæ Tulliani magistri militiæ, quæ proiectis, quas sponte assumpserat, religiosis vestibus indumentis se laicis deturpauit, vna cum fratre & coepiscopo nostro Vitaliano festina comprehendere, atque ad religiosum rursus habitum reuocare, ac in monasterium mittere, vbi stricte omnino valeat custodiri. Nec eius custodiam aliquatenus releuari permittas, quousque nostra denuo scripta susceperis. Nam si quolibet modo in hac re negligens vel lentus extiteris, ita in te noueris districtissime vindicandum, vt quod ex te nescis, pœna pollis * reserante cognoscere: quia, sicut diximus, si intellectum hominis habuisses, hæc quæ modo facere præciperis a te debueramus etiam cum ultione facta cognoscere.

* al. reser-
cante

EPISTOLA XI.

GREGORII PAPÆ I.

AD EVSEBIVM, VRBICIVM, &c.

De lege imperatoris: & quod ex militari habitu nullus nisi ante triennium probatus suscipiendus sit.

*Gregorius Eusebio Thessalonicensi, Urbicio Dyrrachitano, Constantio Mediolanensi, Andreæ Nicopolitano, Ioanni Corinthi, Ioanni primæ Iustinianæ, Ioanni Creteni * Scorintano, Ioanni Larissæo, Mariniano Rauennati, Ioanni Calaritano Sardinia, & omnibus episcopis Siciliae.*

* Corintano

LEGEM quam piissimus imperator dedit, ne fortasse hi qui militiæ vel rationibus sunt publicis obligati, dum causarum suarum periculum fugiunt, ad ecclesiasticum habitum veniant, vel in monasteriis conuertantur, vestræ studui fraternitati transmittere: hoc maxime exhortans, quod hi qui sæculi actionibus implicati sunt, in clero ecclesiæ præpropere suscipiendi non sunt: quia dum in ecclesiastico habitu non dissimiliter quam vixerant viuunt, nequaquam student sæculum fugere, sed mutare. Quod si etiam tales quoque monasteriū petunt, suscipiendi nullo modo sunt, nisi prius rationibus publicis absoluti fuerint. Siqui vero ex militaribus * numeris in monasteriis conuerti festinant, non sunt temere suscipiendi, nisi eorum vita fuerit subtiliter inquisita. Et iuxta normam regularem debent in suo habitu per triennium probari, & tunc mo-

Iuo part. 10.
cap. 124.
Grat. dist.
53. cap. 1.

* viris

Concil. Tom. 13.

Ffff

nachicum habitum Deo auctore suscipere. Qui si ita sunt probati atque suscepti, & pro anima sua pœnitentiam de perpetratis culpis agere student, pro eorum vita & lucro cœlesti non est eorum conuersio renuenda. Qua de re etiam serenissimus & Christianissimus imperator, mihi credite, omnimodo placatur, & libenter eorum conuersionem suscipit, quos in rationibus publicis implicatos non esse cognoscit.

Mense Decembri, indictione prima.

EPISTOLA XII.

GREGORII PAPÆ I.

AD SABINIANVM EPISCOPVM IADERTINVM.

De pœnitentia eius acta propter communionem Maximi præuaricatoris, & Florentino episcopo.

Gregorius Sabiniano episcopo Iadertino.

Ioan. diac.
lib. 4. c. 11.

SICVT perseveranti culpæ debetur iure vindicta, ita respicientibus est venia concedenda. Nam vt res illa contra se merito iracundiam excitare, sic hæc in sua prorsus dilectione solet concordiam propagare. Et ideo quia fraternitatem tuam a consortio & communione Maximi, vbi te prius neglectus impulerat, intantum postea grauitas sacerdotii ad animum reducta suspendit, vt eius sola nullatenus patereris esse segregatione contentus, nisi & in monasterii te claustra recipiens dudum commissâ defleres; eapropter in nostra te gratia ad communionem receptum esse non dubites: nam quantum nos prius culpa tuæ caritatis offenderat, tantum pœnitentia mitigauit. Hortor igitur, dilectissime frater, vt gregi dominico pastorem sollicitudinē instanter impendas, lucrumque de commissis ouibus facere diligenter inuigiles, vt tantum tibi copiosæ retributio mercedis exuberet, quantum in aduentum æterni iudicis multiplices laboris fructus obtuleris. Stude itaque in culpa lapsos erigere, stude errantibus regrediendi viam ostendere, stude communionem priuatos ad communionis salubriter gratiam reuocare. Sit ceteris caritatis vestræ reuersio ereptionis officium, sit salutis exemplum; quatenus dum errantes gressus ouium ad septa summi pastoris sollicitudinis vestræ cura direxerit, nec